

涵芬樓古今文鈔

呂景端
書藏

南溪樓古今文鈔

卷之四
書牘

涵芬樓古今文鈔卷六十一目錄

傳狀類

傳三

贈大夫程騃履先生傳 吳定

程節母傳 吳定

程巽行傳 吳定

王節母傳 吳定

黃烈女傳 吳定

華烈婦傳 秦瀛

劉衍泗傳 閻循觀

林穆菴傳 秦朝訝

陳和叔傳 彭紹升

曾孝女傳 彭紹升

曹孝子傳 彭紹升

息庵翁傳 彭 績

周維城傳 張惠言

朱烈女傳 呂星垣

溫處兵備道陳公傳 吳應達

監察御史鄭公傳 吳應達

虎門左翼總鎮黃公傳 吳應達

勞莪野先生傳 吳應達

長壽縣知縣曾公傳 吳應達

黃烈婦傳 吳應達

薛貞女傳 吳應達

張大鵬傳 管同

華陰縣丞王君傳 管同

黃蛟門傳 管同

江處士傳 徐璈

鄭湛若傳 吳蘭修

來孝女傳 姚瑩

畫網巾先生傳 宋潛虛

栗恭勤公傳 梅曾亮

劉忠義傳 梅曾亮

黃个園傳 梅曾亮

許孝子傳 吳敏樹

業師兩先生傳 吳敏樹

海苑樓古今文錄 卷六十一
太常徐先生傳 吳敏樹

黃特軒傳 吳敏樹

五品卿銜刑部主事象州鄭君傳 陳澧

家傳

上谷郡君家傳 程頤

稟城董氏家傳 元明善

高昌楔氏家傳 歐陽玄

秦節母家傳 魏禧

安邱張夫人家傳 魏禧

劉烈母家傳 王太岳

浙江督糧道一齋金公家傳 盧文弨

谷園孔君家傳 梁同書

陳聖周家傳 朱珪

周梅圃君家傳 姚鼎

張逸園家傳 姚鼎

兵部侍郎巡撫雲南副都御史裴公家傳 章學誠

施襄壯公家傳 陳萬策

總兵劉公清家傳 梅曾亮

王剛節公家傳 梅曾亮

艾方來家傳 梅曾亮

鮑母謝孺人家傳 梅曾亮

葛寅軒先生家傳 曾國藩

歐陽氏姑婦節孝家傳 曾國藩

何雨人家傳 龍啓瑞

關忠義公家傳 魯一同

程日新先生家傳 吳敏樹

小傳

李賀小傳 李商隱

姚平仲小傳 陸游

杜環小傳 宋濂

禮部主事王先生小傳 汪琬

餅庵小傳 魏禧

吳一峯小傳 梁同書

芥舟先生小傳 李中簡

涵芬樓古今文鈔卷六十一

侯官吳曾祺纂錄

傳狀類

傳三

贈大夫程駢履先生傳 吳定

先生姓程氏。諱襄龍。字駢履。晚號古雪。外王父翼山先生之弟也。翼山先生有弟五人。而與先生尤著文行。先世宅歙之臨河。後徙諸萬家之市曰巖鎮。兩先生入市。氣肅色莊。坐者爲之起立。至今市人慕思兩先生。以爲碩人莊士之衣冠。久無復有夢見之者矣。年二十二。貢於有司。益介其節。遂其學。翼山先生長古今文。而先生並善詩歌。工與文稱。屈其輩儕。以什伯數。其後。年五十。猶試於鄉。同考官驚賞其文。冀冠江南多士。與主試者力爭。卒見黜。自是罷不復試。其遇之屯。視翼山先生尤甚。翼山先生旣壯。困少紓。先生則晚而益困。無一塵之居。隔日之廩。然

而先生節終不墮。酒酣輒朗咏曰。君子之於禮義也。猶影之於形也。冰之於水也。百果草木之有根心華實也。死生患難。未嘗暫違。肯以纖芥之飢寒。喪吾所守哉。其卒也。妻亡孤幼。又乏應門之童。乃太息自書遺言。謝姻戚交遊弔哭。嗚呼。賢如先生。而天厄之顧如此。先生沒十七年。子世瀛起家進士。歷官戶部禮部郎中。嘗出爲山東學使。典陝西福建鄉試。乾隆四十八年。予假葬親。於時先生已膺朝廷追贈。葬之日。儀衛甚盛。搢紳冠蓋填衢排巷。尾隨先生之柩以行。市人相顧謂曰。今而後知天道矣。嗚呼。古今賢豪。固有生旣厄其身。而死復不昌其後者矣。悲夫。豈天道究有難言者哉。

程節母傳 吳定

節母姓鮑氏。歙人也。生之前夕。母夢神人以柏授之曰。若寶此。後必召祥。覺而生。因命曰瑤枝。及長。歸程太學生家。蔚家蔚讀書。不事事。禾米裳衣。鮑氏常以女紅易財。供其置焉。嘗讀詩至柏舟。爲婦釋其義。鮑氏聞之。廢刀尺歎曰。嗟乎。婦當如

是矣。數年。家蔚沒。益貧。遺孤長秀長康。皆幼。而族人欲嫁之。庭有柏樹。且朽矣。鮑氏日裴徊樹下。撫之而泣。徐乃曰。吾死是矣夫。一夕。暴雨。柏復生。鄰里大驚。爭相告曰。婦義神相之矣。族人亦曰。神相之矣。遂不敢奪其志。長秀長康既壯。相與僇力振興其家。嘗築園亭奉母。栽植桃李梅杏之屬無算。會母疾。長康割臂和羹。疾遂差。其後母年及大耋。稱慶之日。子孫且百人。肅冠裳。羅拜堂下。郡守張公大書柏節旌其門。而率僚友及薦紳先生奉卮酒上壽。車馬交馳。喧闐柏樹下。弗能禁也。

贊曰。柏。物之祥者也。婦少喪其夫。無調恤之親。有侵逼之族。不祥亦甚矣。然以一女子持門戶。立節六十年。子孫蕃昌。豈非所謂祥者哉。彼以君子偕老。副笄六珈。爲祥者。是徒希降祥於天。弗思召祥於己也。而其間是非禍福之判。因以微矣。

程巽行傳 吳定

歙岑山程君巽行。諱學權。予妻之弟也。君兄弟伯仲二人。仲慧。父命之讀書。而俾

卷六十一
君執賈人業。仲豪邁峻厲。君寬平恂恂長者。然見不善。則畏之如陷阱。小有失。輒惶恐不自容。父母私居。嘗相謂曰。少男固才。長男亦能不犯非分。吾與若無慮矣。君年三十餘。佐其族富人賈於桐城。族人以君爲不能殖利。俾君閒居。而不任以賈。居數年。困甚。族人有用事之家僕。謂君曰。小人能薦君於主。君喜而委託之。同列有微察其謀者。一日於廣座誚君。言已。顧君微笑。君面赤。旣退。爲家書一通。具以告父。竟自縊而死。

贊曰。此孔子所謂匹夫之諒也。哀哉。顧以一行虧節。而輕身蹈死。可謂知恥矣。文以傳之。豈獨慰恤君。亦以惕人不義之可危。名節不可一日墮也。墮而恥之晚矣。嗚呼。世之赫然以富貴驕人。而其由來。下於君今日之事者。蓋有之矣。而彼顧相率安之。其爲風俗之蠹。人心之害。可勝歎哉。

王節母傳 吳定

王生璞。嚮從予遊。其大母劉氏。以節孝旌於朝者也。劉氏自爲室女。卽以割臂

愈父疾。後歸王君吉士。年二十有四。旋寡。子幼。家又貧。竟日杜門樓居。每春秋佳節。樓以下宗族親姻。衍衍稱賀。而劉氏獨與其孤寂處。危樓相對泣。聞者莫不憐也。始璞之高祖歿於南譙。旅殯僧寺。曾祖又渴葬京口。劉氏自啜糟糠。而日儲婦功之所入。買地歛西之湖田。歸兩世之骨於千里外。葬焉。方葬。雨驟至。傭工皆逃匿大樹下。劉氏稽顙籲天。賴毀。雨益急。遂往來雨中。躬自負土。且泣且築。衣溼手皸。弗去。衆工人蹶然曰。彼婦尙不畏雨。吾儕勇男子。反畏雨乎。因并力築而掩之。感其孝也。其後劉氏卒。撫孤成立。孫璞。尤倜儻。能文章。節母之德。其將自是益光顯矣乎。

贊曰。易之稱女貞也。曰无攸遂。在中饋。貞吉。劉氏一孀女子。無衣食以鞠其孤。而葬其夫。上世之親者二世。豈所謂无攸遂者哉。蓋宗子收族之法久亡。不得已而踰女子之經德以補之也。其不幸也夫。其幸也夫。

黃烈女傳 吳定

明正德間。歛程公子然未婚之妻曰黃氏。同縣富人黃某之女也。公子之父忠節公材。嘗爲言官。屢疏劾諸執政。及太監劉瑾。馬永成谷大用輩。言甚力。瑾畏之。忠節死。瑾追論前疏。矯旨徙其家。並逮其二子默然。胥役日相望也。是時然歲十三。女歲十四。然之母以然寄於黃。令匿之。而黃某懼禍及。私詣有司白之。女乘父出。疾至公子所。排闥呼曰。公子行矣。捕者且至矣。公子驚。然未知所往。女潛引公子至舍後園。啓門出之。公子裴回門內外。以所佩囊示女曰。囊無一錢。安行乎。女笑曰。我固慮之矣。因出袖中金贈之。戒曰。若行矣。毋多言。然以是得脫。而女念已未爲婦。私見男子。且饋遺之。越禮也。反室。不見父母而死。其後瑾敗。有旨宥程某家。又八年。然舉正德丙子鄉試第四人。世宗卽位。上書訟父冤。詔賜祭葬。予諡。一時稱公子孝子。而是時公子年踰三十。日夜念黃氏。不欲娶也。都御史曹公祥有女賢。欲妻公子。謀諸夫人。夫人曰。程公子長。且聘有女矣。女死而以吾女繼之。得毋傷女心乎。女微聞母言曰。是何傷哉。昔吾兄深甫登第。卽率同第進士陳瑾逆狀。

於朝。天子命跪午門五日。辭卒不屈。朝臣震動。今公子之父忠。公子孝。正吾門耦也。曹公喜。令媒妁請於公子。兄默強之。乃聽命。無何。然歿無子。默以季子應會爲然後。曹氏諡應會世祠黃氏焉。

贊曰。黃氏以小弱女子。而脫其未嫁之夫於危。其智勇豈顧問哉。顧自以爲羞見其親。而殉之以死。又何其審於廉恥之防如此也。嗟乎。恥之於人大矣。彼女子以死明其志。所遭之變也。悲夫。夫其賢於齊君王后者。不亦遠乎。

華烈婦傳 秦 瀛

烈婦姓劉氏。金匱華鳴皋妻。父德培。母秦。八歲。父母歿。撫於世父。及笄。歸鳴皋。鳴皋家貧而多藝能。以其藝游蜀游京師。獲稍贏。有胠其篋者。垂橐歸。抑鬱成疾。幾殆。婦悉力療治而愈。鳴皋又挾其藝之淵。久之。無所遇。又歸。苦督逋。自縣城徙邑之新西莊。依其族人廷桂以居。歲祲。大困。疾又作。婦割股和藥以進。卒不治。無子。鳴皋病革。數目婦而不語。婦指其二女泣向鳴皋曰。此而男也。當出萬死圖延君。

嗣。今已矣。妾相從地下耳。鳴皋乃瞑。廷桂釀錢斂之。廷桂稔知婦激烈。令女伴謹伺之。婦強解顏。示以不死狀。詭辭遣女伴。焚楮設粥糜。以祭鳴皋。夜三鼓。鄰嫗聞婦室二女喚母聲。旋聞二女哭聲。旣而寂然。質明。廷桂得婦及二女屍於門前溪水中。蓋婦給其二女睡。先赴水死。其二女旣醒。索母不得。是夜月甚皎。出戶見母屍。亦相隨死也。烈婦旣死。面如生。麻葛重襲。皆連綴密紉。廷桂即以婦死時衣殯烈婦。鳴皋歿。以乾隆乙巳七月庚午。烈婦則以七月癸酉。距其夫之歿四日耳。年二十九。越八年。鳴皋之族舉人景崧具白其事有司。有司上之。得旨旌門。二女者。長賽英。八歲。次賽珍。甫六歲云。

贊曰。婦之於夫。猶臣之於君也。臣不幸而以死殉君。婦不幸而以身殉夫。一也。若烈婦者。出自閭巷之賤。而通曉大義。一喪所天。之死靡慝。脫令烈婦爲士夫。不幸生宋明之季。將與江萬里賀逢聖諸公比烈。而二女皆稚弱。以母死相率赴義。抑又奇矣。

劉衍泗傳

閩循觀

劉衍泗字繼聖。山東濰人。以歲貢生授廣宗訓導。遷蠡縣教諭。正己率人。士習不
變。遷湖廣慈利縣。初。滇賊反。慈利被兵尤劇。賊既平。人民彫敝。衍泗以寬爲政。不
輕用刑。與民語。常呼爲兒。有一臯人被杖而呼。衍泗蹙然曰。兒再忍一板。慈利人
皆相傳。戒勿犯法。戚我耶也。尋病癰。將告上官求去。民間擁使者數輩。皆不得往。
乃使其子僞他適者。竟得告。慈利民數萬詣上官乞留。上官遣人視之。實病。乃謝
罷民。民謁衍泗流涕爲吮癰。曰。信也。奈何。時流亡新集。方編審戶口。民請衍泗畢
是役。乃行。慮代者之擾也。及行。費不給。慈利民人出一錢以饋之。凡數萬。康熙四
十三年卒於家。

林穆菴傳

秦朝訐

君諱明倫。號穆菴。廣東始興人。舉乾隆十三年鄉試。明年成進士。改庶吉士。散館。
授編修。以堪勝御史薦。奉旨記名。未及用。授浙江衢州府知府。在任三年。以失